

王氏存笥稿卷之十八

左輔王維楨著

五言律詩

大風

長安正月暮強半烈風吹苑草寒仍細城雲晚更馳
翻空潮勢壯入樹鵲巢危不惜摧楊柳傷心桃李枝
同館寮宿院中

話久輟青燈宵寒擁翠綾枝鳴宿鳥動窓影曙光昇
人語鷄聲盡風庭雪氣增夫君莫問夢多懷寐未能
別舍第二首

猶是離鄉淚那堪爾更離腸回分手處被憶共眠時
行斷鴻雙叫征遙馬獨嘶歸言好消息聊慰倚門思
爾去伴春歸鶯花撩亂飛到知無市虎行擬訪庭闈
骨肉他鄉淚桑麻故國扉金臺遙送目征騎入雲微

俞侍御父母雙壽

龐德無聞子梁鴻祗令妻何如越江叟茲事總能齊
鶴島形雙老鳧洲影並棲獨令栢臺史日夕望雲迷

贈潘使君赴汝寧二首

使君分部所山水似宣城露冕千人望板橋五馬行
吟知齋對岫政想卧為聲簿領焉能累由來謝眺名

汲黯猶為郡黃公終賜金但愁徵拜日無奈借留心
舊直旌摧檻新鞭繞贈音嗟予傾蓋晚相望意何深

送盧子上 秦陵祠 昭聖太后

虞帝英為嬪周王姒作速當年稱二聖此日閉重丘
雲慘蒼梧夕風悲玉殿秋待臣瞻切際鳳輦必來遊

留別諸同館四首

湖海知名日雲霄結侶時相依憐玉樹贈別把松枝
何地同看月因風好寄詩文園歸臥客萬里幸相思
忍別金門袂却憐共直時聽鶯穿柳苑歌鳳倚花枝
真羨凌雲氣長吟伐木詩浮踪難自定延竚有深思

蓬轉何須嘆星團會有時為言天上侶莫折道傍枝
劍在輕分袂囊空感贈詩病來吟力減報國愧清思
今帝過炎武鄒枚盛一時雲龍遊遠漢梧鳳在高枝
苦抱還山癖愁吟戀闕詩莫將司馬薦病矣倦文思

慈恩寺納涼用郭東野韻四首

地偏人不到曲砌徧苔磯自愛尋真入何嫌與世違
薜房閒白羽藤樹掛緇衣毒熱愁無那蕭然一坐微
五月亦何爽東林不傍村微風寒石榻濃木蔭溪蓀
余是驅車客茲為避世軒無生如可學指珮未須論
野外煩囂絕城中車馬紛偶來閒問社不是故離羣

淨院依風色游心憚日曛徘徊松栢裏香靄共氤氳
日暮不知去棲禽啼滿林僧沾微月返星向暝樓臨
偃蹇由來性遲迴自和吟明朝又城市愁見土盈襟
立秋夜坐有懷三首

為客三看月關情獨此宵葉辭風裏木斗轉漢邊杓
逝水嗟時序張燈共寂寥隣人吹短笛不管旅魂消
去年當此日葉下不為淒鄉月當樓照園禽伴我啼
撲螢行竹外披露卧軒西京洛關山絕秋風憶故棲
塞草秋應茂胡奴欲犯關寐從今夜廢弓有幾人彎
霄漢誰謀國華夷只限山書生空肉食自報月中顏

雨霽郊壇 徐奉常院二首

愛此赤松家，令予清興賒。玉童調白鶴，金竈闕丹砂。
衣潤臺邊露，花迷洞口霞。何當謝人世，卽爾駐年華。
主人讌客情，歌管步虛聲。始信仙家別，能令世慮輕。
青鸞棲竹院，赤石映霞城。猶自牽纓冕，將無誤此生。

送駱太史謝病歸湖州四首

忽謝金門直，言尋碧海濱。明時豈無意，旅病苦傷神。
白髮愁中長，青山夢裏真。知非鷗鷺侶，暫與薜蘿隣。
挂席下遙潯，行行指越林。菱歌醒旅夢，鱸膾稱鄉心。
千里秋江水，孤舟月夜吟。和人渾不見，霄漢有知音。

何處采芝苓，松岩與石町。一蘇司馬病，重注子雲經。
舍外湖光白，牕中越岫青。客來時問字，不得臥深扃。
君家湖水上，余住華山西。不爲憐同調，何緣惜解携。
高林風葉下，遠渚暮雲低。望望行舟杳，津樓費屢躋。
七夕宴集和陳大史

靈匹今宵會，言尋隔歲盟。同懽吾在此，競巧句雙成。
雲似仙鬟裊，月疑玉珮明。填橋鵲共去，怪底樹無聲。
陳子詩期七夕宴集，忽雨渝盟，迺依韻嘲之。

仙筵卽共賞，風雨却寒盟。不及雙星信，河梁約竟成。
坐令佳節邁，空對客燈明。懽宴知誰第，笙歌急夜聲。

七月八日夜集陳子館

仙媛方怨別仙子復尋盟天上鵲橋斷人間燕市成
杯含孤月白河間二星明佳會知難數酣歌盡漏聲

聞蟬

客居不傍樹蟬響遍遙風帶月流虛院和砧入暮空
驚心寒不遠為客思無窮忽墮雲中影嗷嗷又塞鴻

陳戚晚宅同年會和孫季泉大史韻四首

俱起脫荷裳聯趨傍日光十年霄漢客七貴鬱金堂
興逐燕歌發衣携御案香猶思曲江舊春水迤青蒼
今筵已此地來聚復何時共戀看花伴齊吟伐木詩

淹杯忘景夕闕唱見雲移無限乾坤事誰當遂所期
仙曹錦繡裳仙醴玻璃光歌起雲停戶簫鳴鳳在堂
梅風遍花樹蘭霧裊爐香不盡追攀意何言暮色蒼
一別十年去百年能幾時殷勤醉後語慷慨座中詩
城晚霜笳動歌闌錦瑟移相看嘆踪跡萍海渺難期

廣德寺送別陳子

俱是游京國獨憐尋故山鄉心因子劇別句對僧刪
枯沼風荷咽空林夕鳥閒前程愁欲暮乞與一燈還

送趙明府赴長洲

春擬到蘇臺江流面面回東風一夜發晚樹萬花開

虎岫傳名壤牛力試異才公餘若問古吳苑盡蒿萊
送陳子侍父歸嵩山

阿翁懷舊隱子亦戀鄉關雙駕青門外歸塗白雪間
身溫寒夜席衣學古人斑明到嵩山曲芝觴好駐顏

詠孫氏第雪獅二首

豈自條邦至疑從崑岫生風毛翻玉屑日彩盪瑤精
踞地如思奮看人似欲鳴情知非信有臨視意頻驚
入庭真足詫何物爾崢嶸瑰狀明雙眼奇毛縮六英
衝風寒益壯不月夜猶明雖在階除裏還看猛氣橫

月夜孫季泉見過

君有王猷與余慚戴子家過逢乘夜月門館靜雲霞
貧擬來人少詩憐古意賒同聲今復幾莫便轉歸車

冬夜孫季泉宅對月

今夜華堂月盈盈坐玉壺影流踈竹動光滿一燈無
城笛關山調君詩合浦珠不歸非漫興此地可忘吾
冬日過孫伯泉錦衣季泉太史因而留觴紀贈

一首

嗜靜雖吾癖談奇即爾過杯香雙桂映雪霽二鴻和
太史元稱馬將軍舊姓何徘徊不欲去天地此吟窩
和袁子詠雪之作

有晉科卷之六
天風吹白雪來伴玉人清身似棲梁苑歌應繼郢城
亂飄梅閣重輕繞竹窻明最憶袁安舍期來倒數觥

初度二首

母也彌六旬余今半世人猶多三徙媿未老五雲身
觴酒來燕市冰盤具海鱗朝來稱慶地冬日可相親
少年從文墨于今只故吾徒然游鳳沼未是探驪珠
鏡裏容顏換域中風漸殊碧山有舊業將擬著潛夫

贈玉懋中太史移居四首

苑水斜連戶宮梅近拂墻氣侵琴劍濕風染竹蘿香
虛閣玄經就閑門碧草長雖然住霄漢何異在林塘

寂寞唯孤室豪華自五陵門喧裘馬過樓望海雲凭
愛竹呼君過遺書向友徵不須愁夜讀自有金蓮燈
昔住城臨屋今棲市接門多君不擇地得道自忘喧
車馬朝天路蓬蒿隱吏軒可言渾掃却時有問奇煩
歲宴春將起逸庭青草生官閒長繫馬柳細早啼鶯
鄉物吳王劍臣心漢士纓更憐芳調合竊有結隣情
齋夜同彭孫歐三太史

微微寒燭盡晤語向深宵千響秋驚宋同心暗祝堯
窓虛覺露下桂落想天高漸見雲低戶應催萬壽謔

中秋過汪氏二昆季玩月二首

孤月明無際繁星淡不輝只疑金鏡轉却道玉盤非
氣逼浮雲歛光寒白露微無因生羽翰萬里但瞻依
謝庭欣得月長夜坐忘還歌酒耽燕俗池塘印鄭環
憐香依桂樹聞笛憶關山重以南鴻度君心江漢間

贈李侍御按雲中二首

青驄白玉環之子向邊關影度桑乾水目寬句注山
防胡身佩劍弔寶石成斑霜氣因君早寒威八月間
年年此戎馬望望半空村陰火寃夫氣秋笳漢使魂
背人鴻入塞行部鷺隨軒白簡無嫌數安危在討論

送吳君謫大名二首

簪組先朝舊吾鄉不乏賢君今下霄漢予意重悽然
賈傅投湘日屈平辭楚年離筵顧儔侶落落曉星天
謫處王畿切無歌行路言爲官殊畫虎得罪類亡猿
澶水涉旬到滑臺望斗煩君王明日月終爲照翻盆

秋夕孫子見訪和韻

美人今夕至明月故徘徊案秩秋螢點隣機寒女裁
驚心時序晚淹坐鼓鐘催俱是他鄉客堪聞北鴈來
壽蘇諫議母許孺人兼贈諫議得告歸侍二首

嶺表無黃葉年多不記秋但知霜入髮曾見海爲疇
跨鶴身同健九熊意竟酬獨憐游子遠霄漢望歸舟

歸子遵海入應慰倚門心綵袖重溟映芳蘭五嶺尋
承恩將錦誥獻壽恥黃金唯有白華曲傳來清廟音

雪中東隣舍汪子

君爲南楚客我乃西秦人舊國元連壤今居更卜隣
坐看簾外雪調憶郢中新興至相尋易無愁棹遠津
贈劔與孫伯臬都督

寶劔藏年久匣中淥水光千金酬未許一日爲君將
青海傳雙箭天山駐五王何當持此去萬里靖邊疆
送葛給事以使冊封歸河西二首

搖珮辭宮直分珪向塞城星槎千里使帶礪萬年盟

雪路遲春草天山少早鷺梁王偏好客除道迂枚生
星海與崑丘迢迢壯故州人從青瑣去鄉得錦衣遊
苜蓿衙天馬河源沈月舟歸應折榴蓋萬里致同儔
送人之金陵

君行辭北闕予意慕南邦龍虎雄蟠岫烟花錦夾江
春聲聞凍浦暖日透船窓最是乘潮便無綠鼓楫雙
上元壽傅母大孺人

漢京燈夕至令節倍繁華春酒新浮蟻名媛舊夢蛇
邦傳三徙訓宴倚五陵霞卽此勝王母無勞羨孟家
午日送郭主簿之江都二首

午日有蒲觴留君醉帝鄉酒醒天欲暮別去念何長
臺駿元稱隗棘鸞却負香不能推俊彥羞說位巖廊
直泛長淮盡開窓見廣陵千區朝市客萬點夜船燈
擁岍人騎竹當官子飲冰無言不得意茲地古來稱

送內兄選士郭子歸省二首

聖代無屈士如君竟自舒名通上國籍藝挾右軍書
久客鄉心發長郊去馬徐遙遙函谷外白髮倚門閭
送歸殊自嘆十載住長安旅跡同飄梗征人獨采蘭
天遥堤柳黑鄉近岳蓮丹孟老應相問惟貧似伯鸞

寄齊侍御

南國得炎早因君五月霜威傳江客遠書上漢延長
塞北仍多事天涯憶舊行何時歸柱下高論動巖廊

夏至齋居

節候忽如此端居感慨心城雲看火度宮樹起蛸吟
便覺年將半那看暑遂侵所思在虞帝南吹散瑤琴

送孫生鋌入吳成婚

去矣秦淮水南風菡萏新身游吳帝死人擬孟家親
鳳管臨臺發鷄山引眺頻六朝文物舊未可廢推論

雨中郊寺送郭子

東林君且住急雨濕征衣愁說恒河漲思看佛日暉

情人頻勸酒釋子解忘機但道沉冥坐鄉山定裏歸
慈仁寺集鄉中諸友

春來不得意秋至尚羈棲鄉思深燕館客遊到虎谿
新涼蓮水畔宴坐夕陽西世事唯堪醉青尊為爾攜
華學士之南都

君王正圖治學士乃南轅春度長淮水星分太乙垣
馬遷元石室方朔本金門即見徵還日懷書十萬言
中秋集汪尚寶舍和韻二首

高城角夜流高宴屬豪遊醉度霓裳曲清吟落葉秋
霜將月皎皎思為客幽幽那可南樓笛聲聲是隴頭

今地月華流全勝天柱遊蟾蜍臨水靜風露滿庭秋
寒鵲驚枝繞鳴蛩破室幽關山未歸戍此夜倚樓頭
白僉事入賀 聖壽却還山東二首

閭闔九重開衣冠萬國陪象隨人共舞鳳逐樂雙來
僊醴擎盤露山呼遶殿雷夫君亦至止金鑑錄須裁
舊是含香吏今為攬轡臣來知戀北闕去擬慰東人
海氣瞻浮蜃郊情憶獲麟遠遊空復志送子重傷神
贈許氏二首

石城許氏之遷南奉常也王子戀焉又嘆其
成書錦歸也詩並有之

君家鍾阜下 聖祖舊邦畿
二水清宮舍 千門鎖
帝闈到知仙 是侶行羨宦
爲歸晝日 驅車馬相如倍
有輝

許子予所好 言離戀不窮
才華今謝曉 官譽舊山公
鄉月隨行李 王風速去蓬
南登有詞賦 莫不附雲鴻
送王司成之南都二首

帝謂夔能教 南雁此奉恩
蒼龍辭漢闕 白馬度吳門
道以先生重 名令學者尊
舊賓勞睿想 博望欲開園
敢云鳳是侶 十載濫同池
交愛那能道 行旌不可隨
堂留倒履處 途望著鞭時
南國見春草 知予千里思

沈光祿謁歸以改營先大夫兆

原生慕京兆 孔氏疑防山大孝
今誰繼憐君 此日還
沾衣辭漢署 走馬向江關
若到悲鳴處 佳城在此間

申進士令分宜

申生子所獲 少年懷遠心
手持循吏傳 言赴楚江潯
敢謂張華識 相期宓子琴
彈來無自苦 世上有知音

秦維价宰孟縣

河陽元勝地 之子去乘軒
花樹迷官路 濤聲入縣門
孤城已非晉 舊事尙追潘
誠使芳名續 折腰未足論
寄贈可泉宗兄司訓

蚤歲淹經術長途阻着鞭逢人惜白髮得宦耐青氈
上論推匡鼎諸生仰鄭虔思兄苦春草徧繞泮池邊

送汪子

出城芳草歇臨水芰荷生節換羈心感山回客路橫
同人違上國天子在西清萬事憑誰語悠悠悵別情
贈徐推官之西安

故國君為理歡來却自嘆秦人今好訟漢法本從寬
三面羅應解重關路亦難須君按轡入百里到長安
輓許相國夫人二首

相國能扶 聖夫人勸好賢令名追解珮峻業至回

天何悟飛霜月遂成殞蕙年國門丹旆去清淚萬人
懸

澗水函谷接青蘋歲歲生歸魂今日駕薦豆向來情
行望胡笳慘入鄉緱嶺橫為詢迎玉鶴何日返雲輶
送李明府之任蜀中李父故為御史

名家周柱史才子漢郎官去望星隨憶還知鐵戴冠
棧花驅馭緩江月照琴寒萬里遊真勝無歌蜀道難
贈陳憲使之江西兼訊謝許二丈二首

繡斧江遙入白雲官獨能平持漢氏法威出暴公稱
山雨城常暗浦雲波自澄亦知文賦客滕閣幾回凭

謝子猶垂翼許君復縱鱗高賢無下位遠徼有孤臣
南檝同人逝東門把袂頻因君聲二子離思不堪論

還闕二首

許身已南山歛爾謁天關猿鶴堪深怨冠簪亦舊班
海元群水匯辰自衆星環聖世誰能隱移文不愧顏
西人皆好武吾亦罷論文昨向南山下時隨射虎群
趨朝寧狗祿在野每懷君盱食憂邊切阿誰請入軍

寄家書二首

母念今逾切別來夏又殘時驚流水逝日作倚門看
有客傳消息爲郎憶考槃應知非漫語貧賤故能安

客心殊不樂千里獨長安夢寐還家屢風波涉世難
跡危偏信卜慮重欲辭官悵望西飛鳥何由附羽翰

寄東氏妹二首

萬里游真倦向來依故廬寧親迎衛女設饌釣河魚
奔詔身仍遠思家意不舒班昭應有念早上丐兄書
危途親更隔獨客意偏哀信遠憑長翼詞悲敘大雷
畏人將宦薄懷汝覺神摧何日雪堂共重賡詠絮才

五日登毘盧閣同王趙二子

應赴春林賞榴花故國同况今辰不住可使色成空
載酒諸天上掇蒲淨界中宴闌人未醉憑閣思無窮

滄流不入渭西嶺故遮秦本博樓中趣翻傷望裏神
停杯看去鳥落日下同人支遁休慳馬急將入暮闈
予既還京會無錫王子亦至因簡二首

金門仍待朔聖代敢逃堯以我猶懷隱知君勉赴招
陌塵袍色化世故道心消何似滄江畔白雲閒自謔
華嶽吳江口雲天萬里遙相違憐宿昔相見復今朝
鈇判終同匣鴻飛不異霄拔歡斗酒置爲爾脫金貂

寺閣同諸子和楊司諫韻四首

紛紛京洛客此地幾能遊氣爽秋疑早林深晝亦幽
觴緣消暑舉興爲慕空留可道危樓晚猶須上上頭

陰晴誰可料朝霧晚爲開簷鶴衝空逝江虹截雨來
霞流忽殿閣身擬到天台遊嶽嗟難遽今觀亦異哉
居峻望逾迴浩然生遠思山無雲斷處塔有鴈來時
繫足書猶澁傷神客自知十年塵土裏初服盡爲緇
樓中客未返棲鳥已松篁興在惜餘照空冥識妙香
鐘聲侵檻急杯影接雲涼惠遠休憎飲陶公嗜醉鄉

立秋書懷

故園當此日一葉下深閨萬里勞親念孤兒作客悽
身將天共遠心與火俱西昨向秦關別春風草色萋

聞蟬

上苑無窮樹微吟抱一枝風回聲故迴雀繞跡堪危
清飲垂天露寒衣尚暮時羈人愁聽汝獨坐正多思

秋日閒居二首

千里逢秋客閒居感慨中宦踪巢幕燕鄉念下江鴻
院靜蛩偏響霜寒木漸空遙憐故山桂鬱鬱自爲叢
窮巷深仍僻應門午未開知無問奇客不是草玄才
履跡荒庭沒秋聲遠樹來誰言繫朝籍只擬臥雲隈

贈龍湖張公之留都

春水吳天渺風帆易石城才奇牽物望跡遠軫

皇情何日迎周旦前身是孔明岐途無限意佇立暮

雲生

春晚見白髮作

苑日柳全綠庭風榴欲然不知何處雪吹向鬢毛邊
把鏡光堪妬傷神客獨偏十年成底事惟取百憂煎
聞鶯次趙比部韻

予懶春游減掩關客罷迎居深羈旅感鶯作故園聲
逾響和風斷得群遶樹鳴向從家枿聽不是此時情
孝烈皇后挽歌二首

範內留芳訓扶天有駿功仙遊知跨鳳 聖念爲當
熊玉珮虛無裏蒼雲悵望中宜春花照眼淚灑舊時

叢

暖候親蠶舊今朝罷採桑六宮齊下淚萬葉爲誰長
苑草春猶綠雲車晝竟藏返魂百無賴空有月氏香

人日作

人日陰晴半燕山獨望時晴當免天札陰豈有災危
天遠真難問春歸只益悲西南渭川渺冰泮快漁師

春日寺集和尹氏二首

處處春光接客愁殊未開言尋息心侶遂到望鄉臺
見鴈翻增恨逃名莫道才漫看諸妙樂取醉藉蒼苔
長安少年子春來日日嬉城南無數寺花柳徧含滋

走馬尋鄉入逐鶯載酒移吾衰今可笑向此亦棲遲

賦得天寧塔贈別胡青岩同年

平郊曠千里孤塔突青天寒集三秋鴈危開百丈蓮
望應收楚蜀勢已壓幽燕徙倚吾愁上離魂會渺然
郭氏莊遊次洞山尹子韻二首

曠野迷禾黍聞流不辯谿問途行復立入里北還西
谷遠疑禽響園深詫虎啼上林云在邇獵地豈應棲
稼事村村似河流曲曲同分明燕甸外只訝鄭谿中
三伏渾遺暑百禽各點叢簪纓聊此日丘壑是吾蹤

南浦舟汎次韻

呼舟催力進波靜日仍暉怕有回風作虛令蕩槳歸
白鷗來故狎青島望何微出浦聞相近吾將遂所依

贈閔氏提學山西

晉壤胡沙接羽書歲歲聞登壇誰練武擁節子論文
道向河汾重秋來烽火勤自嗤簪筆者翻欲學從軍
有客二首

有客談農事淒然傷我心風回青失隴日轉赤流金
處處神巫問哀哀寡婦音憑誰還報語 帝禱已桑
林

單于歎款塞使者急臨邊果得蒲稍馬何言少府錢

沙場元恨井炎月更生烟願假將軍劍山山爲出泉

贈羽泉劉君宰瑞安二首

得邑東南畔 皇心念遠人徵求深到越山海近連
閩九曲神仙窟三年撫字身政成知有慕潛渡武夷
津

南國余真慕湖山每按圖宦來情漫切君去景應殊
秋浦平開鏡霜林豔抹朱過家潮正壯還是子胥無
寺中訪喬三石大叅留宿二首

遠客來千里息心自此宮世途已白髮池館復秋風
慷慨吾真動留連夜易終朝來聞過鴈翹首共遙空

存管種卷之九
君自梁園至予依燕塞居臺金事已往苑雪賦何如
俱抱千秋感因停五夜車祗須謀一醉率爾脫銀魚

西溪亭上分韻得屏字二首

曲水圍青帶回岡抱翠屏冠裳仍廢榭鷗鷺自寒汀
霞覆千年樹風翻十月萍少陵何處問徒倚白雲亭
暮倚溪山曲悠然見晚屏水風醒酒面野火辨魚汀
坐下忘機鳥行吟浪跡萍良遊天亦縱明月故亭亭

熱

院深風不度火鑠井猶溫林密翻包暑蚊多故趁昏
何方無五月明發問孤村蓮洞涼如許岩堯不可奔

郵亭賦別限韻二首

春館寒猶峭霜旌氣愈嚴萬人遮去馬一斗候虛簷
柳色暗浮閣嵐光翠入簾攀君真失計彩筆漫重拈
暫爾關河客相看幾愴神恨無繩繫日漫說馬回輪
三疊杯前曲雙旌畫裏身自茲懷遠夢夜夜逐行塵
出平涼尋故人

窮塞涼州是吾今出更西峽深昏白晝劍在耀青霓
畏色生危巘吟情亂急溪故人千里外有酒慰淒其
齊大尹父母雙壽二首

七十今辰及榮光昔日無人同龐老譽庭有榭家株

筵啓蓬山下笙鳴野鶴趨何當綿歲月幾見海波枯
雙挾藍田學登堂酌碧醪海雲回彩服春色醉仙桃
健擬千年頌祥看五色毛懸知瞻拜日白髮兩刁騷

壽趙撫臺母七十二首

生當五月望戟府夜猶筵北斗輝瑤樹南風沸錦絃
健躋榴閣坐笑指桂輪懸司馬因將祝千回伴母圓
自製稱觴曲膝前趙倚樓綵雲停白雪烏府勝丹丘
蒲酒偏宜夏萱階不受秋長生吾有頌其柰野人謳
春夜於草堂飲趙孟靜限韻二首

窈窕歌今夕留連及曙鐘殘星低北牖片月墮西峰

歡向樽前劇思於別後重高標蓮嶽似萬仞削芙蓉
幾載天涯別今宵此聽鐘昔游慚二妙新興得三峰
宿鳥窺燈起春雲佇院重明歸錦江曲相憶採芙蓉

暑雨

風雨清涼暫愁心切斷虹坐看雲入岫即有暑侵宮
河朔遙難去雪鄉事亦空人言林谷爽毒霧轉濛濛

寄周石崖汪七峰二曹

懷人情不極日暮且登臺望盡長雲影那能鴻鴈來
宮綾宵並直署草曉同裁應嘆離居者逍遙華岳隈

美人篇

美人樓上坐，曲曲度成章。能駐行人騎，難窺傾國粧。
問年逾二八，下嫁待春陽。不比巫山女，朝朝赴楚王。

夜投乾州

早發暮還轍，荒村已宿鴉。前旌明野火，遠戍咽樓笳。
行漸初星密，愁深曲徑斜。風塵疲道路，瞻想五陵霞。

渡河用壁韻

挂席東南望，茫茫萬艦多。估人輕七尺，漁子犯層波。
岸闊迷青漢，風生怯綺羅。蘭橈且莫進，欲聽濯纓歌。

王喬洞

古洞名空在何方，王子喬無因。驂白鶴，真愧擁青袍。

雲冷金丹竈，心傾碧玉簫。招尋非異姓，倘爾下烟霄。

望輞川

昔賞人安在，嘉名尚輞川。我車不可到，野重依然。
山有題詩墅，溪多種秫田。勞生空碌碌，何日此攀緣。

過湘子祠

山深行不極，澗水鎮相隨。已倦遊人意，忽逢湘子祠。
花驚十月艷，鶴動九天思。仙駕倘相借，翩翩遂所期。

秦嶺過文公祠

萬里南遷客，千峰昔此停。雪岩不可度，猿夜若為聽。
道在翻能重，名高故有亭。松門吾下馬，瞻竚涕雙泠。

商州別舍姪吉兆北歸二首

鄉念吾方切商山汝又歸相看愁對酒臨別更沾衣
望極白雲迴岩空紫蕨肥他時遂初服此地更須依
汗血渥洼種苞毛丹穴兒一鳴誠有待萬里固須期
岐路情難盡人離老易悲向來遊宴地竹樹獨離離
度秦嶺

未晚登崇巘已窺海日明雲從車下起人在斗邊行
天險分秦塞神謀度漢兵却思千載事感慨不勝情
除夜書懷

怕說明星出愁聽夜漏殘羈人家萬里新歲若為歡

漫使梅輝閣徒教柳媚烟東隣蕭鼓競曲徹又更端

元日喜雪和韻二首

今年今日雪四望四方同上歲豐應至寬愁酒未窮
飄將梅苑失積與石欄崇郢調能歌此千春直到公
不雪愁皆甚既沾喜亦同只悲寒卧者猶自困途窮
故擁蓬門斷偏增玉閣崇誰能命車馬除道訪袁公
早春過端溪宗伯宅留飲次韻二首

南風吹北鴈去去自為雙楚國空留舄鹿門虛羨龐
暮雲迷遠岫春棹響空江不是公能欸朝朝卧北窓
喚酒期同醉杯行赤玉雙 主逢今日聖俗轉古來

龐旅抱風吹雪春光柳拂江更言梅樹好一為拓南
窓

早春王錦衣宅集諸舊遊次盧君韻二首

離懷不可道醉裏為君申跡是蓬飄野情均柳望春
豈期五侯第復見十年人我意鶯能解啼聲故故頻
自我今來此年光感逝川適行初雪裏忽對早花前
風雨春能幾容華向亦妍平生悔斷酒杯到不虛傳
春日遊靈谷寺次韻

自嘆南飛鵲臨風遶樹三幽巖期獨往竟日只空談
野色牽遊騎塗歌盡采藍直依龍伏處花雨亂春潭

贈南衡童子泉州之任

看君如健鷁場翅竟翻飛往事那堪問初期幸不違
吳歌送越客暮嶺駐斜暉後會應難料離觴且暫揮
去住俱為客悽悽獨愴神浮生已衰白京洛尚風塵
采藥臨滄海乘槎釣紫鱗茲情終未已訪爾到南閩

悼內為項氏作

得意今如此閨中孰下機舊臺塵掩鏡新錦淚沾衣
夜月烏偏喚春風蝶自飛誰能少翁術為爾致容輝

哀妣為項氏作

寂寂佳城闕萋萋宰木稠不將青鳥至知與白雲遊

留誠諸姬頌遺孤萬戶侯檢囊熊膽在涕下可能收
張戶部毋六十二首

令子今如此九熊志已酬名通漢閨籍身逐楚江遊
饌得湖間鯉丹思海外丘慈顏誠可駐猶欲泛槎求
瑤池落日外蓬島扶桑東仙姬誰能見今朝忽此逢
鬢將霜共白桃與面俱紅歲歲華堂宴鸞簫下碧空

王氏存笥稿卷之十八

第十八卷存疑

寄東氏妹二首

信遠憑長翼詞悲叙大雷

大雷義未解

秋日閒居二首

窮巷深仍阻應門午未開

應字疑誤

王氏存笥稿卷之十九

左輔王維楨著

七言律詩

雪晴

長安二月雪花飛五日陰陰此放暉
淒氣不隨雲霧散輕冰暫向午風微
苑條寒峭鶯聲澁野徑泥深客願違
聞說城南富花樹今朝能得幾芳菲

夜雨偶得窓字

夜雨瀟瀟亂客窓決渠新水瀉春江
暗浮花氣侵重幙遠度天風慰萬邦
坐聽竹前沉玉漏行吟簷際把

王氏存笥稿卷之十九

左輔王維楨著

七言律詩

雪晴

長安二月雪花飛五日陰陰此放暉
淒氣不隨雲霧散輕冰暫向午風微
苑條寒峭鶯聲澁野徑泥深客願違
聞說城南富花樹今朝能得幾芳菲

夜雨偶得窓字

夜雨瀟瀟亂客窓決渠新水瀉春江
暗浮花氣侵重幙遠度天風慰萬邦
坐聽竹前沉玉漏行吟簷際把

銀缸自憐踈曠無機事宿鳥依依出樹雙

迎恩寺次王太史韻

郭外尋幽百慮閑林邊簇騎五花斑
泉鳴鳥弄俱成調望日看雲一破顏
好句當春仍碧草豪游憑閣且青山
直須酩酊酬佳興重見山翁倒載還

病告馬尚寶彭翰編許吏部茅殿撰携觴枉別
病裏驚看諸妙過愁顏此日暫成酖
九霄躡步聯簪珮三徑歸心自薜蘿
戀別頻沾燕市酒博歡翻罷渭城歌
他時論賦休推引爲道相如只抱痾

和黃子九日感懷之作

白酒茱萸九日來却驚烽火照燕臺
愁深漫發籬邊菊多難聊停客裏杯
霜甸雲霞當晝起風城鼓角繞天哀
幾迴自灑長沙涕萬古空思飛將才

齋夕有感和大宗伯張公韻二首

吏散庭虛暮雀過淒風急雪響春柯
坐深金闕催鐘漏意激青燈對嘯歌
槐月籠雲微映牖花渠咽水漸盈科
朝來忍問東郊事凍壓千疇滿目皤

雪裏春宵寒寂寂堂中齋客思玄玄
迴廊曲檻輕流霧嫩柳初花共報年
四海蒼生雙淚下兩朝白髮一燈前
閑情惟有堦頭鶴曲卧悠悠帶月眠

長陵恭謁

文皇陵殿傍居庸覽盡千峯壯此峯石壑蒸雲蹲虎
豹玉泉含霧卧蛟龍神京想像明王作窮漠淒迷破
虜縱埋劔藏弓尤勝地晚來時望紫氛重

康陵陪祀

塞上猶傳八駿名帝丘今望赤霄平千峰雲起旌旗
影萬木風多劔槊聲玉殿香煙浮俎豆瑤墀星斗燦
冠纓雍歌聽徹人歸盡獨立春宵百感生

沙河道中用王大史韻

曉日平郊遠色分皇家千嶂抱諸墳沾花車騎香聞

露過水冠裳潤帶雲繡壁斜翻丹鳳勢迴沙細擁白
蛇文詞臣預喜瞻依地寶篆穹牌七帝勲

祇役山陵憇道觀

山程迢遞漭雲沙仙苑幽虛貯彩霞興爲吹笙聊駐
馬桃如索笑故開花芝房漫倚燒丹竈瑤水空憐泛
海槎此去蒼梧猶道路乘風欲借紫鸞車

奉和介翁相國誕孫韻二首

年來每作生蘭夢此日懸弧遂所懽系出龍門應續
史恩沾鳳詔早傳官庭中玉樹雲長擁掌上明珠月
並完款客宵開東閣宴長星耿耿動人看

無言雙襖爲郎日，佇見重闈戲綵權。
三葉燕山今發桂，九霄漢閣舊遷官。
韋經鄭履傳應遠，駿骨鴻毛長漸完。
未駕已知千里步，能飛會向五雲看。

初度

子月簷梅正欲舒，他鄉杯酒對寒廬。
冠裳十載依天近，弧矢茲辰閱世初。
鏡裏窺顏驚老大，雲中獻賦愧吹噓。
西瞻舊業蓮峰下，歲晚黃精好自鋤。

小至院內對月簡諸同宿

海東滿月上金規，風後寒光湛玉墀。
出檻新梅渾失影，當堦老鶴淡無姿。
宵深霜露侵偏劇，節變星河望

欲移坐待嚴城樓，觀曉擬看雲物共登危。

九月二十八日過袁太史詠堂內菊用何氏韻
秋杪今登袁子堂，主人耽菊似陶郎。
深依北牖長留色，近掇東籬故帶香。
節逝燕臺還勝賞，霜飛朔塞入寒鄉。
向來花樹看皆盡，唯有金英殿歲光。

卜居

由來卜築避天街，此日幽棲意更諧。
無客蓬蒿從滿徑，有時鳥雀自馴堦。
雲中歌鼓五侯第，塞上旌旗千里懷。
閉戶著書愁未得，傍人休擬草玄齋。

冬夜過林太史宅

北斗高城欲壓墻南樓鼓角漸微茫寒筵酒罷情仍
劇宵路月明去不妨奕世衣冠周太史驚人詞賦漢
長楊交游海內如君最跨馬時來學鄭莊

冬日朝天宮道院和韻

歲暮桃花開不稀洞靈仙子跡非微朝來謁帝迴金
節雪裏迎賓混羽衣地勝真疑凌海入書成不欲換
鶩歸晚鐘蕭颯三天靜細聽南華悟道機

元日

白霧陰陰欲匝天今年元日異常年簪纓朝退沾猶
濕梅柳春遲凍不妍趨節軒車交紫陌臨風樓閣落

朱絃愁予正爾成孤坐栢酒盈觴爲罷傳

答袁子告中見貽因次其韻

予苦晝長鄉思紛閑居君亦嘆難曛伴人雙燕常依
壘抱樹孤蟬自作群越鳥謳吟真有調玄暉休沐本
能文多君持贈明珠似每玩慙慙到夜分

京館守歲同舍姪吉兆

旅夜張燈吾共子天涯明日是元朝高城衰角腸俱
斷故國竹林望獨遙愁劇聊傾杯裏物老來羞看匣
中刀休將勲蹟虛相擬春伴同歸興已饒

曹侍御以使便歸覲太夫人

老去離多愁正繁翩翩遊子忽歸軒歡來不用忘憂
草倚處今爲下馬門饌鯉幾年遠道路盤瓜七月薦
家園却思繡斧仍王役遮莫筵前舞袖翻

曹侍御使金陵

西北烽烟年更劇東南民力日堪哀拯窮早上寬租
疏按塞猶思攬轡才王氣金陵千古會大江雪浪九
天回亦知遊覽非君志望闕能無上鳳臺

冬郊候母北至

至後今年真可憐劇晴寒月有和烟梅香早動周京
路柳色先歸朔塞天千里隨春應未苦雙眸望遠忽

潛然不將王馭還鄉國却使潘輿此逝遷

凌進士父母雙壽卷

少從高隱傍滄江老得嘉聲重海邦沙上鴛鴦栖每
並庭前玉樹看成雙白雲晝伴幽人室明月宵隨釣
客艫即此長生堪預卜未知蓬島問仙幢

立春日賜宴和宗伯徐公韻

上林春到暖何偏遂有歸鴻幾度連氣早乍融城上
雪筵開初散禁中烟鶯知送酒歌能至梅爲看花放
故先此日承恩予忝竊十年簪筆未稱賢

正月十六日冊立敬妃侍班和韻

有晉稿卷之六
漢宮班氏奉恩偏遊輦從車許接連遂以鴻名傳玉
冊即將龍節導鑪烟日臨長信雲相映花發宜春暖
獨先借問侍臣誰紀勝賦成惟有馬卿賢

送李御史之南都

前年憶爾在鍾山夏半年今年謁帝關立傍苑葵心共
赤憂深封事鬢先斑擬將解珮酣燕市忽漫拏舟下
潞灣安得從君便南去鳳臺同眺白雲間

夏日同諸文學登都城和孫季泉韻

帝城今得倚崔嵬可那懽多暮角催不去真憐天上
侶貪涼忍罷掌中杯風筵蕭颯霜疑下霧堞陰森晚

漸開時向建章宮北望通天隱隱見高臺

贈陳太史奉其家君還蜀

苦憶滄浪作釣翁將歸令子帝恩洪驛車直到花
溪口險路虛愁棧閣中天關劒門元向北江盤巴字
竟趨東未應便逐綸竿往簪筆還來侍漢宮

贈袁太史使南陽便且還越用舊韻

予住終歸華下堂君行旋作殿中郎人間岐路腸堪
斷馬首春花日漸香桐葉遠將虞子國宛丘今識漢
皇鄉憑高好望南征路楚越通波一鏡光

贈嚴太史使大梁用舊韻

梁王城壓大河隈，臘盡濤聲入殿來。
正憶星槎人忽到，同遊春苑鴈初回。
倒池綠竹明新色，媚客金罍出舊杯。
作賦不辭頻授簡，亦知君是馬卿才。

贈方厓趙年兄之南都

十載承恩侍帝闈，封章四海奏曾稀。
漢庭賈誼名何忝，春水吳舟志却違。
寇盜關南鼙鼓急，烽烟塞下羽書飛。
時危愁劇君仍遠，回首江樓定濕衣。

秋赴郊寺同曹王二客夜遊用空同先生韻

朔雲胡鴈急秋風，野寺蕭蕭落木中。
羈客悲深誰共語，上方僧定自開宮。
寒憐酒伴依依至，月望珠樓閃閃明。

閃紅莫訝晝遊宵，未徹三千世界本無窮。

九月十二日黃太史宅賞菊次韻

此日此堂花尚開，驚人佳色對傳杯。
醉攀高朵吾三嗅，笑逐良朋歲幾回。
節後風庭冠更落，霜中寒藥蝶難倍。
却思桃李芳菲日，盡向秋前沒草萊。

贈李給事移官南都

南國宮城千載舊，北風艤舸九秋餘。
兩都青瑣俱仙侶，四海蒼生有諫書。
避雪塞鴻依渚下，經霜江樹入看踈。
杳然鍾阜情真往，不得從君遂所如。

聞警二首

胡騎能過獨石戍燕臺百里接烽烟豈無大將曾推
轂却使明王自籲天五夜竹宮遙望拜一時軍帖
劇聯翩定應風電驅氛稜餉士虛糜少府錢
雲中猛將真難犯裘馬千群歛復東即恐漁陽容得
意幸聞上谷敢臨戎歸心誠動悲笳裏伏甲湏防險
塞中夜襲邊村憐昔歲至今鬼哭向秋風

聞笛

寒夜高樓玉笛哀天涯羈客思難裁關山萬里惟看
月霜露孤庭有落梅怨鶴愁聞雲裏下吟龍疑自海
邊來誰能吹向飛狐塞一遣胡奴競北回

秋思

城上悲笳斷客情關山隴水總秦聲山連太白西南
壯水下東川日夜清未論濯纓臨岸渚曾因望月坐
崢嶸秋風異域今俱阻翹首高雲塞鴈征

贈張憲使之閩中

閩疆萬里盡東南漢使宣威促去驟臘雪薊門寒尚
積早春江柳色先含山猿見節移深樹水恠驚戈徙
別潭若到越王臺上望皇朝無外海同涵

贈蔡使君守衡州

楚鄉春望即炎風去馬遙衝歸塞鴻媚客柳條臨路

待到官蠻谷爲君通嶽形倒看清湘水桂樹高攀赤
帝宮聞說五峰峰便峭何當詞賦與爭雄

送晁太史使梁次董太史韻

候吏前途負弩驅當朝使者果誰如春風花柳穿行
騎盟誓山河有制書豫上天中元大國梁臺世遠只
殘虛流傳好賦風猶在今日何人著子虛

壽介翁相國七十

律回斗轉春仍起天地茲辰初降英佐 帝羲和元
日御輿殷傳說本星精入朝顏奪宮花赤瀕老神凌
海鶴清自是仙翁應駐世無勞占歲問唐生

春日邀諸同好登毘盧閣和洞山韻

我向君曹意不疏芳時嘉約可教虛便從淨界看花
放已得春風隔夜噓歡劇共拚樓上醉悲來偏濕檻
邊裾天涯遊子秦川客翹首西雲片片舒

五月五日寺集

令節今朝逢五日東林呼侶且持樽野氛新暑臨筵
劇宮扇親臣拜 賜繁製出上方擎寶月傳宣中使
促金門十年待詔吾恒在不會何年奉 主恩

夏日同教尹二太史劉客部朱憲使郊寺讌集

會大雷雨是時朱得除督閩中學怯暑滯行

右晉編卷之九
十一
余爲紀述二首

市遠林深暑自微，城居六月旅遊稀。
能驅汗馬臨中野，共坐虛堂敞北扉。
過院雲霞看屢變，趁時雷雨罷仍飛。
人間萬事誰堪問，但醉醍醐莫遽歸。

江行六月苦炎蒸，有客停橈滯五陵。
匣劍囊琴愁獨卧，佛樓禪塔喜同登。
雷轟舍利朱光落，雨颭罌魚紫鴿騰。
轉眼清秋南棹促，三山佳興共誰乘。

六月三日作

西山碑兀與天參，湖水城隅碧浪涵。
風起湯池威轉放，雲來炎郭毒逾含。
虛傳吹黍名燕谷，實有蒸波類

漢南華嶽高寒清，渭肅故鄉回首欲抽簪。

立秋

閏夏逢秋氣自淒，風城吹葉遍沙堤。
紅顏鏡裏能恒駐，寶劍天涯亦暫携。
螢動虬潛悲此日，山青雲白憶吾棲。
勳名老去終何有，野望行歌好杖藜。

秋夜呂沃州胡白湖周吳峰枉過對月二首

今宵冠蓋忽填戶，十載京華只索居。
才薄敢言時輩棄，興來聊與故人舒。
秋城吟角聲偏壯，月院看星影自踈。
已報殘更促車馬，尚呼餘酒立躊躇。

好月長安共此亭，涼秋夜氣滅飛螢。
光中樓閣瞻俱

右會稽卷之九
十一
出醉裏乾坤忌獨醒喜有酒船須中聖愧無玄草與
談經明朝太史應占奏紫極宮西客聚星

贈秦太史使徽藩便道歸越

千里桐圭將 帝命萬年嵩嶽擅名邦過時諸縣春
除道館處三花曉映窻漢使孫弘元第一吳賓季札
本無雙 皇心遠役真憐汝未許迴橈滯越江

贈朱太史使楚藩

枚生詞賦遊梁日司馬車從使蜀年千古風流今再
見九重 恩命許誰宣出都恰值青春伴入郢應歌
白雪篇況是楚王能愛客醴觴日日爲君傳

元日

陽回此日逢元會城雪融融苑變霞萬里越裳班闕
下九重春色到天涯委庭烟珮俱沾柳退食椒盤自
頌花秣恐和風吹草綠早邀胡馬度邊沙

人日飲汪戶部次韻

秦園回首千山隔楚塞牽心萬里長氣早湘蘅抽暖
渚春遲雍柳勒寒塘酒杯今聚聊同醉霄漢年來耻
並翔懷上依依不歸去祗緣 明主是虞唐

功德寺遊眺

勅寺百年湖水濱渚花汀柳尚秋芬花迎鳳輦聞前

事柳引龍舟想瑞雲馳道逶迤還鷺嶺行宮寂寞下
鷗群太平遊幸仍 今主波上重看五色氛

宿碧雲寺偕同遊諸子

秋深處處皆搖落入寺松陰鬱未稀斜日鶴歸寒共
宿上方僧定夜相依爲談夢幻嗟人世却望雲霞滿
帝畿庄濟于今公等在吾茲擬結碧山扉

贈海峰吳氏分司太和山二首次韻

真祖宮開襄漢間百年靈跡寄深山醮壇紫氣晴常
覆仙路金扉夜不關香火去看人斷續花源行探窟
潺湲幽尋若遇赤松子莫學留侯竟不還

天門曉闢日臨墀法仗風高颭羽旗侍 帝忽爲遊
楚客到山寧忘入班時官閒寶籙時開笈時泰仙翁
每獻芝應有徵書還省閣向來才籍九重知

至家貽京邑同好次韻

饌魚親捧自河隈盤筍深從春谷來徐庶辭劉心始
慰王陽游蜀馭初回家筵自賦南山什旅宴曾陪北
海杯豈即貪歡忘故侶時於夢寐覓群才

冬日同三渠宮諭曲江鴈塔和韻二首

江上白雲四望來江頭鸛鶴亂徘徊荒臺廢苑憐今
到珂馬宮袍憶昔才野迥風高悲塞鴈吟深日落喚

岩梅為依佳侶淹歸興徙倚高樓望斗台

野寺滄茫有客來野塘無主客徘徊乘風齊上青蓮
界覓句終慚白雪才溪午林踈時見鹿月明香細但
聞梅豪華消歇悲前代共祝昇平禮上台

北窓

憶在京華今五月炎雲赤日意難降朝迴汗馬愁相
逼闕望仙盤屹自雙消渴馬卿辭石室避人漁父戀
滄江休言簪筆還中秘已足風林卧北窓

送柯獅山自秦移鎮河南

年來烽火徹秦關募士徵兵不暫閒地重祗須馮異

守節移難借寇恂還旌旗龍避三河水斧鉞花迎二
室山梁國舊傳多俠客知君定訪夷門間

五日和可山戶部韻

榴院呼朋記昔遊佳辰今到興全不愁多無那霜侵
鬢卧獨空憐酒送籌車馬十年人北滯少狂幾日冰
東流欲憑絲縷添長壽只向滄浪老釣舟

淇門留別周給事石厓

共銜丹詔下雲端千里追隨興渺漫岐路烟花牽別
緒離筵歌管駐征鞍風催漢節三湘遠春向秦關獨
客寒此去想思何處寫前程華月擬同看